


کربد لہائی اسلامیه ی محبائی منفقہ مخصوص

سید محمد علی بن محمد بن محمد

نسخہ فوق العادہ سی



معارف نظارت جلیله سنک فی ۲۶ صفر سنہ ۱۳۱۵ و فی ۱۵ تموز سنہ ۱۳۱۳ تاریخ
و ۴۳ نومرو لی رخصتنامہ سی حائزدر

استانبول

(محمود بك) مطبعہ سی — باب عالی ہوارندہ ابوالعزیز جادو سنہ نومرد ۷۲

۱۳۱۵

اولسه — ینه خیالات شاعرانه بی توسیع ایده جک
بر لوحه تشکیل ایلر . شاعر ، بویله دیمش آما
حقیقته اولیه دکل .

یالکیز خیالات شاعرانه بی توسیع ایتمز ، بلکه
بتون حسیات بشریه بی تهزیز ایدر .

بر چو جقه عطف نظر ، صنعی و طبیعی هر دلو
الواح علویه و بدیهه دن قات قات مرجح و بالا تر در .
شاعر و ادیب اولیه رقی دیه ییلورمکه : هر کس
بر چو جنی تعریف و توصیفدن جدا عاجز و قاصر
قالیر .

« بر چو جق کیم دیمش کوچوک شیدر ؟ »

بر چو جق بلکه اڭ بیوک شیدر ! »

چو جقسز بر خانه ، قوشسز بر قفسه بگزیر .
بر زوج ایله زوجه نڭ آره سنده کی رابطه محبتی
تمدید و تقویه ایده جک ، محصول ازدواج اولان
(چو جق) دن بشقه برشی دکلدر .

میوه سز بر آغاج بر شیده یارامن . بونڭ کبی
چو جقسز بر خانه ، ثمره سز بر ازدواج ده پیوده بر
رابطه دن عبارتدر .

محصول سز ، ثمره سز ، بر ازدواجک رابطه سی
چابوق قویار . مدت معینه سندن صگره ثمره ازدواج
کورلیه جک اولورسه زوج و زوجه آره سنده
دیر لکسنز لک باشلار .

تفصیلات زائده لزوم یوق . ذاتاً زائد اولوق
اوزره تاقی ایدرک سرد و اتیان ایلدیکمز یوقاروده کی
سوزلری براقه لمده اصل مقصده کله لم :

آشیانه سعادت اطلاقه سزاوار اولان بر
خانه ده سعادت عالمی تأمین ایده جک ، زوج
ایله زوجه آره سنده کی رابطه بی تقویه ایله ،
او آشیانه سعادتک تمامی بخیر اریسنی تأمین ایله جک
برشی واریسه اوده بر چو جقک وجودندن بشقه

کیمدن بومو حدانه تعظیم
کیمدن بونوا ، بوفیض تکریم
رفع ایله شو پرده بی کوزمدن
کورسون نه چیقار کوزم اوزمدن
چیقسه یدی کوکل کشفندن
آلسه یدی خبر هویتندن
بنلکدن ایدر سه دل تجرد
ایلر او دقیقه ده تفرد
ادرا کزای قدیم اولات ذات !
ماهیتکه واریرمی هیهات
بولمز بوتفکرات غایت
یوقدر بو طریقه نه نهایت
ایتدیکه عالم کسب وسعت
بولقده در ازدیاد حیرت
ای واراننه وجود برهان
ای کنز خفی مفیض عرفان
اولسون جذبات قلبه معتاد
حقیکده کی بهتم ایله مزداد

مصلحت

صحائف حفظ الصحة اطفالدن بر قاج صحیفه

فرانسه مشاهیر شعرا و ادبا سندن مأثور بریانه
« کدریکزی داغیتیق ایسترسه گز او یقویه طالمش
بر چو جقک حانه باقیگز ! » دیمش .

دیگر بر شاعرده « بر چو جق او معصومه
حالیله او طه مک قپوسندن ایچری کیرر کن
دوشونلمسی لازم کلن هر شیئی اونو تورم ! » دیمش
بو ایکی سوزک ایکیسی ده طوغری . بردها
وار : « چو جق ، صگره دن انسان اوله جق برملکدرا »
بر چو جقک فکر تقایدی — نه قدر ساده



اعوان زاده سلیمان بك

برشی دکلدر. بر آژ
اول سویله دم : بر
چو جفك جسدأ تعین
قیمت و اهمیتی ممکن اوله ماز.
عكس حالدہ تفصیلات
و مدافعات بی لزوم عد
ایدیلور .

عالم انسانیتك امید
استقبالی ، كوچوك
چو جقلردر . بیوك
بر آدم حال ایچون ایفای
وظیفه ایتمش عد اولنه .
بیلور . لکن چو جق

اوله دكل. بر چو جفك آتیسنی كشف واستدلال
ممکن اوله ماز. او چو جق بیود کدن صکره قیمت ذاتیه
وماهیت علویه سی تظاهر ایدہ بیلور.
بوسوزلردن مقصد ندر ، بیلیر میسکیز ؟
حفظ الصحه اطفالدن بر قاج صحیفه بی انظار
قارئنه عرض ایتمکدر .

بر چو جفك تغدیه ونشونماسی ، تأمین تعالیم
وتربیہ سی ایچون نه قدر سوز سویلنسه ینه آذرر .
جلد لرله کتابلر یازیلور . ینه افادہ مرام ایدلمش
اوله مز . بر چو جفی کیدیر مک ، تغدی و تعلیم
وتربیہ سنه اهتمام ایلمک فوق العاده دشوار بر
مسئله مهمه در .

محترم قار، وقارئلر! بلکه ده حکم سنر، روح سنر
عد ایدیه جک اولان یوقاروده کی سوزلر ، برر
حقیقتدر .

بر چو جق حقنده روا کوریلان قید سنرلق
ودقت سنرلک حقنده و بلکه ده عمومیتله چو جقلر
حقنده اختیار اولنان احوال و حرکاته دائر سنر

بر قاج نمونه عرض
ایدہ جکم .

ایشته بر نمونه :
— خانم چو جفکیزی
نه ایله بسلیورسکیز ؟
دیه بروالدهیه سؤال
اولنسدینی وقت اگر
او والدہ :

— یا ورومی ؟
او بزم کیدر. هرشی بیر
حوابخی و یرہ بیلورسه
نه قدر ممنون کورینور .

« چو جفم ده بیوک
آدم کی هرشی یرا » سوزر یلنسه نه قدر آغیردر.
بر چو جق هنوزاون سکر آیلق ، هایدی هایدی
ایکی باشنده. سر جک چور با یاه چوقدن کوروشمش،
عایشه قادین فصولیه سنی پک ایی طانیور .
بچاره یه پصدیرمه ، صو جق ده ویرلمدیسسه
چوق شکر ...

بر چو جغه والدہ سی سودویرملیدر. والدہ سی
ضعیف ایسه سودننه طوتلسون . سودننه طوتغه
قدرت یوقسه ینه سودی والدہ ویرملی . آره صره
امزیک وسائر کی شیلر ایله ده والدیه یاردم ایتملی.
ای انتخاب ایدیلان بر سودننه والدہ یرینی طوته بیلور.
کندیسنه دقتله باقق ده شرطدر . امزیکله سود
ویرلدیکی ایچون محو اولوب کیدن چو جقلر خدسنر،
حساب سنردر . بالخاصه موسم صیفده امزیک پک
مضردر. لزوم قطعی کورلمدکجه امزیک قوللانیلما.
ملیدر . هانکی امزیک اییدر ؟ امزیک حد
ذاتنده کی فنا لغندن بر قاج قات ده فنا ایدن صورت
اداره واستعمالیدر .

مسئله در . لکن بونی کنج والدله نقدیر و تفهیم
ایتدیرمک کوچ .. چوجق فنا یدیریلور . قرننده
صانجیلر طویار ، استفراغ ایدر ، بیچاره آغلار ،
خیرلار . والدله بو حاللری اسباب سائریه عطف
واسناد ایدرلر .

اولادیکیز طاتلی طاتلی ویردیکیز اتی ،
سبزیه یی . حتی یدکلرینی هضم ایدرکی کورینور .
صحت وقوتی یرنده اولدیفنه حکم اولنور . لکن
بو ظاهره و موقدر . اصل تاثیر ایلروده
کورولور . چوجق مناسبتمز غدالیرسه اعضاسنده
یالکیز ساخته بر قبالق کورینور . حال بوکه بنیه سی
قوتلنمز . قوری و چایمسنز قالیر . درت بش
یاشندن اعتباراً چوجقلرک هان عمومیتله یدکلری
کباب کستانه سی ، مصر ، حروز شکری ، ساقز
لبلیسی ، سمید ، کچی بونوزی وسائر . بونلردن
میدان قالمیور که چوجق بسیلنمک وقوتلنمک
ایچون یمک ییسون . آنه سی آقشام ویا اوکله
وقتی « هایدی یاوروم یه ، آچ طوریلورمی ؟ صبا
حدن برو هیج برشی یمدک ؟ » دیر . چوجق نه دیر ؟
— طوضری آنه حکم اما . جانم برشی
ایسته میورکه . شمدی طورسون . صکره بیرم .

چوجقلک سوزی طوغرو . اصرار اتمک
بیهوده در . بک چوق یبانیجلرله و خانه ده کی خدمتچی ،
باغچوان ، آراهچی کی آدملرله چوجقلری
چوق مناسبتمز بولندیرماملی . کاشکی هیج
بولندیرلمسه . اوله لرینی بیلیرم که زنکین اولدقلری
حالده چوجقلرینی اوستونلی اسره لی یازیلری
سوکیور دیه مدخنده بولندقلری خدمتچی یه
او قوتدیر ییورلر . . . چوجق سربست آلمش
ایسه ، خدمتچی ده فرضا طشره لقی . (قاف)
دیه چکی یرده (غاف) دیور . چوجق کولبور

امزیک تمیز طوتلمازسه ، کریمه ، استفراغ ،
اسهال ، ضعف وسائر کی احوال . وسفیه باعث
اولور . اکر امزیک معین و قتلرده چوجغه ویرلیوب ده
صباحدن اقشامه قدر مده سی آفرنده بر اقیایرسه
ینه بو حاللر ظهور ایدر .

امزیکک باشلوجه ضرر لرندن بری ده دروننه
قونیالان سودک صاف و خالص اولیوب کړک
طبیعتندن و کړک اسباب سائر ده دن طولای بوزوق
بولنمیدر .

مرکب سودینک مدخنده بولنانلر چوق .
لکن تدارکی بر آزدشوار . هم یتسینمک وار .
بوسبیلله اینک سودی قوللانیلیور . سودننه ناکهانی
خسته لنور ، بر اقوب کیدر ، الحاصل هرشی اولور ؛
تلاشه دو شمیوب چوجنی سود ایچمکه آلدشدرملی .
بر والد « بنم چوجم سود ویرسه م ایسته میور ،
ایچمیور . » دیرسه یا چوجغه فنا بر سود ایچیرلدی ،
چوجق ایکرندی و یا خود فنا صورتده ایچیرلدی . هله
خسته لکللی حیوانک سودندن تمامیه توقی و احتراز
ایتملی . اینک سودی قوتلیدر . چوجق بر آلیق
ایکن سوده یاری یاری یه ای صو قاتملی . ایکنجی
آیدن دردنجی آیک نهایتنه قدر چوجقلک قوتنه کوره
اوچده ویا درنده بر صو قاتملی .

آتی آلیق اولنجه صاف سود ویرملیدر .
الحاصل ، سودک بوزلماسنه ، هوانک حرارتنه ،
قابلرک طهارت و نظافتنه ، اوزاق بر محلدن سود
کتیرمامکه و دائماً عینی سود اولمسنه دقت و اهتمام
ایله مک لازمدر .

اسهال ، اکثر یا ایکی یاشنی اتمام ایتیمان
چوجقلرده و یا ز صیجاقلرنده امزیکله بسیلله نلرده
ظهور ایدر .

اطفالک امر تفیدیسی پک بیوک و مهم بر

واقتدارلری بولمیدینی ده‌ها طوفان‌روسی آیاقلرینک
هنوز وجودک آغزلغنه تحملی اولمیدینی حالده
یوروتمکه وزور ایله آیاق اوزرنده طور دیرتمغه
باشلارلر و بو صورتله عقللرنجه چوجق‌لری
یوروتمکه آلدیرلر .

برچوجق اڭ آزیدی، سکنز آیلق اولدقدن
صکره یوروتمکه باشلاملی . یورومک آرزوسی
ایلاک اول چوجقده باشلاملی . یورومکه آلدیریلان
چوجقنی ساعتلرجه یورماملی . هر ایشک اعتدالی
وقابلیتی واردر . اکثر یا وقتی کلشدر ديه
چوجقلری آیاقلری تکرارکلی بر آراهیه بندیرلر .
آراهیه قایه‌رق یورومکله کویا چوجقده یورور .
بویله‌جه زمان کچر . آراهیه چیقارک . چوجقنی
براقک : در حال یرم دوشر .

چونکه آراهیه آلدیدی، آنکله یورور .
یالکیز یورویه‌مز . مطاق آراهیه استعمالی لازم
ایسه، بونی آرده صرمدده استعمال ایتلیدر .
برایکی یاشلرنده بیلر بر چوجقک اعضاسی
عادتا بالمومی کبدر .

اوتیه ایتک، برویه چکمک، یوقاری
قالدیرمق کبی خط‌الرده بولنماملی . بوکبی برسوء
حرکتله یرندن اوینایان ومعاذالله قیریلان قول
وبجاقلرک تدایوسی مشکلدیر .

صور مشروحه اوزره یورومکه آلیشان
چوجقک ایسه هوسی آرتار، کولر، یورومک
ایستر . قالقار، طورده‌ماز، دوشر، کیفی کلیر .
سورونه‌رک یورور . مطلوبده بو . لکن قوری
تخته اوزرنده یالکیز براقاملی .

برچوجق از قضا دوشر . والدوسی واولایه
باشلار . بوانی برشی دکلدیر . تلاش و هیجان
کوسترماملی . بوکبی خصوصاً صائدیه بر آلاکید بولنملی .

غاف دکل قاف دیور، اوتکی عکسینی ادعا ایدر .
بونک کبی صحت نقطه نظرندن دخی پک چوجق
احوال مؤسسه ظهور ایدیه یاور . تعریف وتوصیفه
نه لزوم وار ؟

بروالده ایچون حائز اولسی اقتضایدن برطاقم
اوصاف واردر : طاتلیق، شفقت، غیرت،
فوق‌العاده ثبات .

*
**

صور مشروحه اوزره بیلنمکه یوز طوتان
برچوجقنی نه زمان یوروتمک لازمدر . والدلرک
رأی وفکرلرینه کوره بر آن اول یوروتملی .
اوکلان قومشولرک ماشاءالله، ماشاءالله چوجق
یورومکه باشلادی ها ؟ قرق برکره ... تو ...
بوللوسوزلرینه :

— اوت خانم افندی ! ربم اولاجمله ننگکینی
صکرده بنمکینی باغشلاسون . یوریور . فقط بر
قصوری وار . آیاقلری اوزرنده ای طورده میور .
صاغ آباغی براز اوزون . صولی براز قیصه . بر
طرفی آغیر . برطرفی خفیف .

بونک کبی ده‌ها یوزلرجه قصورلر صاییلور .
عقللیجه کچینالردن بری جواب ویرر .
— آ، او برشی دکل خانمجم . الله باغشلا-
سون . ده‌ها کوچکدر . صکره سندن، بندن
ابی یورور ! فی‌الحقیقه اولیه . یورور .

صاییلان عذرلر طوفانیدر . حتی اگر
بری بیلر وارسه، چوجق بیودیکنده کتورم
قالیر . سبب ؟

والدلردن بشقه کیمسه دکل . چوجقنی بر
آن اول یوروتیم، بعض مشاق و مزاحمدن
تخلص کریبان ایتمکله برابر قومشولرک مظهر
تقدیر وتحسینی اولیم ديه بچاره معصومجفلری
هنوز آیاقلری اوزرنده طورمغه کلیاً قوت

بعض والدہ لر چو جقلرینک بر قولندن طوتوب
چکەرک کندیلریله برابر بچاره لری ده یتیمش، سکسان
آدیم مر دیونلری چیقار تیرلر، مریدلرک قید سزلدی،
حدتی کبی احوال سبیلله اختیار ایتدکلری خطالرده
بوقیلدندر.

چو جق یورومکه باشلادی دیه آرابهیه، تراموایه
بندیرمکه یلتمک، هرکون سواقغه و بازاره
چیقارمق ایی دکلدر. هله صغوق هوالرده بوکبی
خویلرده اصلا بولناملیدر. خفیف درجه ده بیله
اسن روزکار، توز و دو مانلر چو جقلره عوارض
مهلهکه و وخیمه ایراث ایدم بیلور. بر چو جقلر
یری آغریغله در حال صفت طباقی طاقه رق علاج
یاغمه یاخود اختیار قوم شوقادیلک اخطار و توصیه
لرینی اجرایه یاتتمیکیز. کنج والدہ لر، دائما
محتاج معاونت و نصیحتدرلر.

بر چو جقدن دائم بکله نیان برشی وارسه،
اوده حسن اخلاقیدر. حسن اخلاقه طوققان
شیلردن بری ده اطفالک او یونجاقلریدر.

او یونجاقل نه یه یارار؟ چو جقلری اکندیرمکه
یاخود برمدت او یالامغه... حال بوکه او یونجاقل
یوزندن نه قضالر، نه فجیعه لر حصوله کلیورکه
تعریف و توصیفی غیر قابلدر. ابوین طرفندن
صرف اولنان اچقلر ایسه حساب اولماز راده یه
کلیر.

او یونجاقل ایله چو جق بیومدیکی کبی اکمال
واتمام تربیه و تحصیل ده ایتیمش اوله ماز.

بو سوز منزله بر چو جغه مطلق صورتده
او یونجاقل ویرلمسون دیمک ایسته میورز. سوء
استعمال درجه سنه واردیر لماسون فکرنده یز.
مدنی شهرلرده ناز و نعم ایچنده بیک درلو

او یونجاقل آرمسنده پرورش یاب اولان بر چو جق
ایله کویلرده توز و طوبراق اوستندم بیوین بر
چو جق کوز اوکته کتیرلسون و هرایکسنک
احوال مادیه و معنویه سی پیش تفکر و ملاحظه یه
آلنسون. آرم لرنده نه قدر فرق عظیم کورولور.
کویلی چو جق، دها صاغلام و دها کور بوزدر.
بو چو جق او یونجاقلر بیودی. شهرلی چو جق،
چایمسز وضعیقدر. بو حال سنی ترقی ایتدکجه
دوام ایدر کیدر.

شهرلرک هوا و صولرینک ده بو خصوصه
دخل و تاثیری غیر قابل انکار ایسه ده بو خصوص
درجه نایسه ده قالیر. مدنی بر شهرده بر چو جق
صباحله یین قالدیمی؟ در حال او یونجاقله صاریلور.
جیللری میوه ایله طولار. متعاقباً باشی بوش
صالیور بیلور. بر آرزو صکره جان صقندیسیله
او یونجاقلر قیریلور، میوه لر توکونور، دیرلدی،
صیزلدی باشلار. تکرار او یونجاقل و میوه ویریلور.
بر ساعت صکره یینه اولکی حال سرزده ظه ور
اولور.

بو چو جقنی سوء حرکاتندن طولانی تکدیر
و توبیخ ایتمالی. او یله آشدیرلدی، او یله کیدر.
بر آراق والدہ سنه صورلسون: باقکیز نه جواب
آلور:

— آ، آرتق چو جقلر جانی یوقی؟ البت
بزم کبی هرشی ایستر. ایسته مکده حتی واردیریا؟
هم بزم چو جقم آلیش یقدر. هرشی بیر. هم ده
ماشاء الله هیچ برشی اولماز.

اولوب اولیه جقنی صکره بللی اولور. هله بزم
ایوب سلطان جهتندم یا بیلان او یونجاقلرله
اوروپادن کان بعض او یونجاقلرک اوزرلرنده
کورولان رنک لره چو جقلرک یوزلری کوزلری

اورنك تختہ سہ چو بریلور کہ معاذ للہ بوحالدن تسمیم اولفق دہ واردر .

اویونجاقلرک اوزرلرندہ کی بویالرک ترکیبندہ مواد سمیہ واردر . اوروپا جراند طبیہ و صحیہ سی اطفالک اویونجاقلرینہ قارشو نہ قدر مقالہ لر یازارلر کہ حققری دہ واردر .

برخانہ نك باعث سعادت و بختیاریسی ، وطنك امید استقبالی اولان و هر بری ایلرودہ بزم کبی برر کوربوز ار اولہ حق اولان اطفالک نہ صورتلہ تعلیم و تربیہ و تغدی و تقویہ ایدلدیکنی و نشوونمالرینہ نہ درجہ لردہ دقت و اہتمام ایدلمسی لازم اولدیغنی بحق تعریف و توصیف ایدہ جک اولسہ ق ، جلدلرلہ کتاب یازمق لازم کلیر . مقصد بودکل . صحائف حفظ الصحتہ اطفالدن بر قاچ صحیفہ نك عرضی ایدی . بودہ حاصل اولدی ظن ایدرم . بونکله برابرانی و کوتو نمونہ لردہ عرض ایدلدی . خدماصفا ، دع ما کدر .

محمد علی

فتون بحریہ دن

طورپیدو ستیمبو طلرینك وظائفی

محاربات بحریہ ماضیہ نك طورپیدو ستیمبو طلری حقتندہ و یردیکی فکر و مطالعہ سوقیلہ درکہ محاربات بحریہ مستقبلہ ایچون بوسفائن صغیرہ نك اہمیتی ہنوز زائل اولما مشدر . بونوع نازک و تاثیرات تخریبکارانہ سی پک مدہش اولان کوچک تیکنہ لرلہ منتج فوائد و آزادہ مہالک بر صورتدہ ایش کورہ . بیلیمک ایچون سفائن حربیہ حاضرہ حقتندہ کی فن حرب جدیدی پیش نظر امعانہ آلدقندن و طورپیدو

ستیمبو طلرینك ابعاد و جسامت لرینہ یعنی صنفلرینہ احالہ چشم دقت ایتدکدن صوکرہ وظیفہ لرینی ترتیب و تنظیم ایلیمک لازم کلیر .

آچیق دگز طورپیدو ستیمبو طلری دونمنا معیتہ مأمور بولندقلرندن بونلرہ کوستریلان وظائفك اجراسی فوق الحد مشکل و مغلق اولوب شو صورتلہ تقسیم اولنور :

۱ - کوندوز : بالخاصہ کشافلق خدمتی کورن سفینہ لر بولندیغنی ، یاخود دونمناہ و کشاف فیلوبہ ملاقی اولمق ایچون تعیین قلان مخابرہ کیلرندن ہیج بر خبر جیقمدیغنی تقدیردہ آچیق دگز طورپیدو ستیمبو طلری سواحلک هر طرفی و تکمیل قویلرینی طولاشوب معلومات آلمق وظیفہ سیلہ موظفدر .

۲ - کیجہ : آچیق دگز طورپیدو ستیمبو طلری حامل اولدقلری ۴۰ سانتیمترہ لک الکتریق پروژکتورلرلہ رفاقتندہ بولندقلری دونمناك اطرافندہ بر سدہ ضیائیہ تشکیل ایتک ویا عسکر سوق ایتک و طوبہ طوتمق ایستہ نیلن برونلری تنویر ایتک وظیفہ لری جملہ سندندر .

۳ - آچیق دگز طورپیدو ستیمبو طلری حامل اولدقلری سریع الرمی طوپلرلہ « قوتتر طورپیدو » لق یعنی طورپیدو ستیمبو طلری مخر بلکی خدمتی کورمکہ مقتدر بولنور .

۴ - بر سریع السیر قروزرک تحت محافظہ سندہ اولمق اوزرہ بر قاچ طورپیدو ستیمبو طندن بر خفیف فیلو تشکیل ایدرک لیمانلردہ دمیرلی بولان دشمن دونمناسی تہدید و کندیلرینہ منسوب لیمانلردن هر هانکی برینی آبلوقیہ آلان دشمن کیلرینی اخافہ ایدہ بیلیر .

۵ - ایکی محاصم دونمناك حرکات تہاجکارانہ